開放文學 - 江湖俠義 - 大漢三合明珠寶劍全傳第二十六回 蒙野道拜懇為徒 賄行童暗污邪物

詩日:

白面書生施妙計,強梁妖道命歸陰。

慢言武勇能扶國,除暴安民賴智深。

單表駙馬到了寺前,見許多鮮血,屍體累累。叫聲:「眾位道長有禮了。」眾道人見一位書生,言語溫柔,詩禮之客。合掌回禮:「請問居士到來何事?」「小生回鄉,今遇大兩將至。路途遙遠,難回敝處。特來避兩,參拜神祗。未知肯容否?」道人說:「請住貴步,待稟家師,然後相請。」柳絮說聲:「多煩了。」道人入內:「稟上師尊,有一位白面書生,前來參拜三清神祗,未知容否?」真人說:「他一片誠心,勿拒來意,請他進去。」道人出接:「居士呀,家師有請。」柳絮道:「多蒙引進。」直到三清寶殿,焚香下拜,高聲叩首:「弟子王絮,前來求乞仙丹,佑我家君、身體安寧、延年康健、日後酬答,鴻庥於靡既矣。」

拜過三清,觀望四處。見一位老道長,頭戴逍遙巾,身穿水火道服,手執拂帚,行行而來。柳絮向前下禮,道人還禮。見此書生面如冠玉,齒白唇紅。道人一見,十分歡愛:「居士請坐。」吩咐奉茶,茶罷。道人說:「請問居士,高姓大名?貴鄉何處?」柳絮道:「小生離寶山四十里之遙,就是寒居。只因家嚴病重,特來求神庇佑。」道人說:「莫不是王家莊麼?」駙馬道:「是也,小生姓王名絮。」真人曰:「請問令尊染病有多少日期?甚麼病症?可有服藥否?」柳絮曰:「不幸已有數月,延醫罔效。」道人說:「自古病向淺中醫,亦該預早調治才是。」駙馬道:「前者,也曾多請醫生,無奈日輕日重,服藥不靈。」

真人曰:「請問居士,有多少兄弟?」說:「命蹇全無。」「貧道看居士尊顏,日後必是朝廷梁棟,發奮攻書,自然功名有份。」駙馬回聲:「道長差矣。家山淺薄,難望功名之日。自幼在於襁褓之中,常常有病,多累父母不寧。家君請位先生推卜算命,說我命帶出家。拜師食素,或可延年益壽。若不出家,恐難痾養。怎奈舊歲又得一病,延了數月。家慈掛慮無安。又請一位先生卜算,八字長庚。評論總說,命帶天損。只可出家,不可在家。父母無可奈何,只得捨心任我出家。但訪名師,無緣得遇。倘得名師指引,吾意願矣。」

真人冷笑:「我出家人,有甚好處?上不能與朝廷出力,下不能光宗耀祖。不似你等儒士,發奮成名,封妻蔭子,公侯世代。正是:『一子受皇恩,全家食天祿。』富貴人間一美事也。況爾青年英俊,滿腹珠璣,日後定作廊廟之客。」駙馬說道:「古話有云:『身近帝皇邊,猶如共虎眠。』倒不如出家人,無辱無榮,無憂無累。倒不如道長,自有極樂世界。」道長大笑:「既然居士,能識時務,准意出家,不嫌道卑法淺,莫若拜我為師,未知允否?」駙馬一笑:「恐憂福薄,不能高攀。」真人道:「你肯拜吾為師,再無忝辱於你。明日你回家稟知父母,看雙親意思如何?允則可為,不允不可忤逆,以蹈不孝之名。」

柳絮說道:「家君病在危篤,少諳世情,不用等他主意。今即拜求道長為師,後稟父母知悉未遲。」說罷,雙膝跪下。真人扶起:「你既為出家,山中各道人未得週知。快到大雄寶殿,將雲板打起來。」叮噹之聲,驚動滿山道人,上堂合掌。真人說:「王絮拜我為師,傳齊你等上堂。」各道人合掌稽首稱妙。駙馬忍怒下跪:「師尊請上,受弟子三叩三跪,願我師聖壽無疆。」取名隱修,柳絮謝恩。

道人吩咐備辦齋筵,合山慶敘,依次理席飲酒。酒至數杯:「請問師尊,弟子上山之時,看見血流山下,滿地屍骸,未知其故。望師指示,以解弟子之疑。」真人道:「你有所不知,有一馬俊,未知是甚麼悅心王。妹子馬鸞英,上山參拜神祗,剛遇風迷身故。馬俊自逞其能,帶兵與我交鋒。說我山有謀殺他妹子之意。被我連敗他二陣,兵丁盡死。今者屍骸待明日埋葬。馬俊幸有寶劍防身,飛上雲頭,跑脫了。」柳絮道:「請問師尊,曾用何法寶勝敵?」真人道:「用起九龍神棍。」「敢借弟子一觀。」真人叫行童張榮:「帶出來,待小住持一觀。」「領法旨,九龍棍帶到,請住持觀看。」

駙馬接看,見此棍長有九丈,方大二寸。其黑如漆,其明如鏡。拾起重不過二十餘斤。「請問師尊,此物傷得兵將否?」真人道:「切勿輕視寶棍,倘若陣上戰人不過,有八句咒語,唸唸有詞。縱許百萬雄兵,銅皮鐵骨,立就斃亡。」柳絮問:「此棍如此利害,望師尊演過,弟子看看。」

真人就在席上,念起咒語,邪火一起,九條火龍亂滾,滿殿豪光。鐵石心腸,無不駭怕。駙馬一驚:「望師尊收罷。」真人收寶,邪火一熄,命張榮:「帶回聚寶房中收好,勿使污穢相近,恐寶物不靈。」「領法旨。」駙馬道:「不若將此法寶,秘授弟子何如?」真人冷笑:「初入山門,想要傳授,待我將近臨終傳授未遲。夜靜更深,各去睡罷。」眾道人分別。又命行童,引小住持,去客房安睡。

行童領命,駙馬隨著入房。叫聲張榮:「爾多大年紀?」行童道:「十三歲矣。」駙馬道:「爾在此山多少年期?」行童道:「有八年之久。」柳絮說:「我問你聚寶房在東廊,留你在此睡臥看守麼?」張榮道:「是也,此間房係通得師尊方丈睡臥之所。」駙馬見說暗喜:「你去睡罷。」

是日,真人吩咐:「隱修賢徒,你回家看看尊翁之病,亦人子之情。稟問父母,然後回來未遲。」命張榮行童:「隨小住持回家,看他令尊病體如何?若係死在旦夕,小住持不用回來;但若痊癒回來就是。倘有將危,張榮回山報知。待為師交銀,張榮帶到。待爾料理完喪,以報劬勞罔極之恩。」柳絮歡喜,一齊領命,拜別下山。

離山二十里,南北二路。柳絮叫聲:「張榮,你不可隨我歸家。我有一事相浼,師弟現有白銀五兩,煩往各處市頭,代買烏雞、烏犬,單取其血,不取其肉。我因舊歲病重,食藥不癒,在當天許下良願,幸得身痊。有事未還舊願,今身入凶門,不敢面稟師尊。恐烏雞烏犬,乃污穢東西。難在三清殿上,還其舊願,致招眾論不雅。浼爾暗中買下犬血,各人睡熟,暗中交我。待吾酬還,切勿泄漏。用銀多少,倘有餘剩,留下師弟,旁身自用。師尊身故,得授衣缽,我為住持,你為知客,千萬不可敗露。」行童歡喜去了,不表。

欲知駙馬可破妖物,如何用法?且看下文分解。